

醫略十三卷



醫

略

(全三冊)

清

蔣寶素著

李永福校刊

江蘇廣陵古籍刻印社出版

印刷

揚州古籍書店發行

定價三十一元

醫略卷第十一

水三

鎮江蔣寶素

霍亂第十一

椿田醫話曰黃土湯主治霍亂吐瀉此証多在夏秋乃暑濕食鬱於中胃傳化失常氣亂味變正不容邪犯上則吐犯下則瀉既吐且瀉邪有出路故濕霍亂為輕多生若上不得吐下不得瀉邪無出路故乾霍亂為重多死霍亂既因暑濕而得而復有寒者因暑貪涼過食瓜果故也夏月加香薷一錢三秋加藜花根一兩虛則加冬白朮錢半土炒實則加鷄心檳榔一錢寒則加理中丸五錢同煎熱則

加四苓散五錢同煎乾霍亂本方兩劑加炒鹽一兩童子
小便一小碗多服以手指按舌根探吐得吐即瀉吐瀉後
去炒鹽童便照常煎服忌稠粘粥食宜老米湯及老米粥
三日後方可食新米並治轉筋霍亂

淨黃土 二兩

廣藿香 二錢

生木香 八分

宣木瓜 二錢

陳橘皮 一錢

紫厚樸 八分

白扁豆 三錢

活水蘆根 二兩

長流水煎

前哲掘壁下成坑灌水攪渾取起名地漿治乾濕霍亂洗
盡腹中穢濁甚善今用黃土為主加藿香木香之芳香以
解穢濁木瓜和胃舒筋以杜轉筋陳皮調暢氣機厚樸

豆消暑去濕蘆根致胃清和猶是地漿之意而勝於墻陰之不潔遠矣

春秋考異郵曰襄公朝於荆士卒度歲愁悲失時泥雨暑濕多霍亂之病

漢書曰淮南王上書云南越多霍亂之病

見太平御覽七百四十三卷

柳子厚曰元和十一年十月得霍亂上不可吐下不可利出冷汗三大升許氣卽絕河南房偉傳此方入口卽吐絕氣復通用鹽一大匙熬令黃童子小便一升合和溫服少頃吐下卽愈也

九峯醫按曰客忤霍亂內有所傷傷其七情外有所感感

於六氣陰陽乖錯吐瀉交作吐則傷陽傷胃瀉則傷陰傷
腎吐瀉時幸辰理中得有轉機今經二十日胸次脹滿口
乾非渴脉弦無力陽不生陰陰不化氣陰陽俱虧五液俱
耗乙癸同源是理第腎陰不足以制肝陽肝志為怒怒則
氣上氣填胸膈非食滯可比肝無補法補腎即所以補肝
人身之陰陽陽者親上而外衛陰者親下而內營難成而
易虧補之非易無陽則陰無以生無陰則陽無以化必得
益氣生陰陰從陽化腎氣通於胃陰精上蒸清陽開展自
入佳境二氣兩協其平上下互相流貫自無否象公議生
肺八味益火之原壯水之主從陰引陽從陽引陰是否候

酌

大熟地 八錢

粉丹皮 三錢

福澤瀉 三錢

淮山藥 四錢

雲茯苓 三錢

山萸肉 四錢

製附子 一錢

油肉桂 八分

人參 二錢

大麥冬 三錢

北五味 一錢

肝脉漸和胃脉尚軟夜來半寤半寐二氣漸有和順之機
素本腎虧虛寒之體真陽不健值大病之後二氣交傷五
液互損藏府之氣何由驟復補陰之品無過熟地但守補
則中樞易純得桂附走而不守達腎火之窟蘊生中土方
能化液生陰不獨不悶不滯且於腎胃有贊襄之功所謂

補腎則胃開補命則脾健清晨用原方略為加減培補命
腎之陰陽午後以養胃生陰之品陰陽交濟之法循理之
至似無背謬候正諸明哲

大熟地 八錢

粉丹皮 三錢

福澤瀉 三錢

淮山藥 四錢

雲茯苓 四錢

山萸肉 四錢

製附子 八分

油肉桂 五分

人參 一錢

淡從蓉 三錢

福橘皮 一錢

大麥冬 三錢

午後服養胃生陰方

南沙參 八錢

野白朮 三錢

大白芍 三錢

生甘艸 五分

金釵石斛 五錢

夜寐初醒偶慮事情擾動心火舌中作燥照本方去肉桂
茯苓減附子四分加酸枣仁白茯苓各三錢午後仍服養
胃生陰方

立秋後四日脉神形色俱起脾胃漸甦大病新瘥藏府初
和二氣未定全在靜養工夫當守拙精勞形之戒澄心息
慮恬憺虛無乃善後之良謀五內得太和之氣自臻康豫
擬方仍候酌

大熟地 八錢

淮山藥 四錢

山萸肉 四錢

雲茯苓 三錢

福橘皮 一錢

人參 一錢

酸枣仁 三錢

當歸身 三錢

五味子 一錢

大病新瘥藏府初和脾胃雖而未振不宜思慮煩勞七情之傷雖有五藏之分不外心腎天地造化之理無非靜定靜則神藏無為自化陰平陽秘精神乃治食入於陰長氣於陽陽氣者若天與日失其所則折壽而不彰故天運當以日光明前以從陰引陽從陽引陰水升火降諸恙悉平茲以黑歸脾加減從心脾腎主治待中樞大展飲食加增再以斑龍丸培補命腎之元陽以化示體之沉寒痼冷乃有層次然否仍候酌

大熟地

四兩

人

參

五錢

野白朮

二兩

炙甘艸

五錢

當歸身

二兩

酸棗仁

二兩

遠志肉 一兩

白茯苓 二兩

煨木香 三錢

淮山藥 二兩

山萸肉 二兩

為末龍眼肉三兩煎水疊丸早晚服二錢開水下

蔣寶素曰霍亂者霍然變亂非常胸腹互痛吐瀉交作乃

濕鬱於中氣機不運升降道阻水穀不化氣亂味變於腸

胃之間鬱極而發兼六化之証也有不得吐瀉者即名乾

霍亂乃濕鬱之甚也靈樞經脉篇曰足太陰厥氣上逆則

霍亂素問氣交變大論曰歲土不及民病飧泄霍亂又六

元正紀大論曰土鬱之發心痛脇腹嘔吐霍亂又云太陰

所至為中滿霍亂吐下又云不遠熱則熱至

此即因熱化熱之據熱

至則身熱吐下霍亂此內經諸篇俱以太陰濕土動變成霍亂蓋濕從土化土無成位濕無專証而有六化之別焉遇熱化熱遇寒化寒因表化表因裡化裡因虛化虛因實化實故仲景傷寒論辨霍亂條曰霍亂頭痛發熱身疼痛熱多欲飲水者五苓散主之此濕從熱化也又云寒多不欲水理中丸主之此濕從寒化也又云吐利止而身痛不休者宜桂枝湯小和之此因表化表也又云既吐且利小便復利而大汗出下利清穀內寒外熱脉微欲絕者四逆湯主之此因裡化裡也又曰惡寒脉微而復利利止亡血也四逆加人參湯主之此因虛化虛也又云下利後當便

鞭鞭則能食者愈此因實化實也豈可執一乎易說曰穀
雨氣當至不至則多霍亂此亦濕從寒化也漢書淮南王
上書云南越多霍亂之病此亦濕從熱化也春秋考異郵
曰襄公朝於荆士卒度歲愁悲失時泥雨暑濕多霍亂之
病此亦濕從熱化而兼七情也葛稚川以飲食生冷肥膩
酒醢而當風履濕薄衣露坐或夜卧失覆所致亦從濕食
動變而起巢元方以溫涼不調陰陽清濁二氣有相干亂
之時其亂在於腸胃之間因遇飲食而變發又宗仲景之
意以挾風而實者身發熱頭痛體疼而復吐利虛者但吐
利心腹刺痛而已又宗稚川以飲酒食肉腥膾生冷過度

因居處不節或露卧濕地或當風取涼而風冷之氣歸於
三焦傳於脾胃又以乾霍亂是冷氣搏於腸胃又以霍亂
轉筋是冷氣入筋大吐下之後陰陽俱虛其血氣虛極則
手足逆而營衛不理冷搏於筋則筋為之轉此濕因風寒
之証乃六化之一也夫乾霍亂不得吐瀉者乃濕鬱兼六
化之甚也轉筋者在吐瀉之前因實因熱也在吐瀉之後
因虛因寒也柳子厚得乾霍亂用炒鹽和童便服之取吐
即瀉而愈此開濕鬱之甚治法精良陳無擇所論與巢元
方同劉河間以熱氣甚則傳化失常而吐瀉霍亂火性燥
動故也又云一切霍亂吐瀉通宜五苓散益元散又云轉

筋吐瀉者其氣有三曰風火濕也又云此証或先五苓益
元桂苓甘露飲乃吐瀉之聖藥也慎毋與粟米粥此濕因
暑熱之証乃六化之一也易水老人亦以霍亂轉筋吐瀉
乃陰陽交錯不和不可與分毫粥飲張子和以風濕暈為
主申明巢氏之非默契河間之意偉王水脾熱之語蓋不
知霍亂皆以濕為主而有六化之別巢氏所論濕因風寒
化也河間所論濕因暑熱化也二公俱未悉六化之變若
王水不過註素問經文之一端耳丹溪心法霍亂吐瀉用
二陳湯加減作吐以提其氣切莫與穀食亦有可下者轉
筋不住男子以手挽其陰女子以手牽其乳是皆良法又

云轉筋皆屬乎血熱四物湯加酒炒黃芩紅花蒼朮南星
亦未分轉筋在吐瀉前後有寒熱之別戴復菴言揮霍變
亂起於倉卒宜蘇合香丸繼進藿香正氣散加木香五分
論治可採王肯堂言霍亂轉筋舌捲囊縮及霍亂後遺尿
不語膏汗如珠躁欲入水四肢不收等証皆不治宜湏詳
審張景岳言夏秋之交乍涼乍熱陰陽相駁人於此時凡
衣被口腹最宜節慎少有不調為駁雜之氣所侵則霍亂
吐瀉所由生也亦宜留意醫按論霍亂之後用補劑收功
亦因虛化虛之意醫話新製黃土湯專以治濕為主符於
經旨切於時用足稱良劑

略曰內經霍亂本以太陰濕土為主因表裡寒熱虛實而有六化之變是証多見南方及夏秋之交濕鬱可據六化之別仲景詳言之矣後世或執寒以非熱執熱以非寒可謂不能舉一以反三而反執一以廢其五也

霍亂論列方

理中丸

五十三

四物湯

八

藶合香丸

六

藿香正氣散

十七

四苓散

五十四